



# KONTRATA SOCIALE ELBASAN

## RAPORT MBI MONITORIMIN E PËRMBUSHJES SË PRIORITETEVE

GUSHT - DHJETOR 2021

**PËRGATITUR NGA:**  
TJETËR VIZION ELBASAN

POP – PËRBALLJA E OFERTAVE POLITIKE  
Gusht– Dhjetor 2021

Rrjeti “Përballja e Ofertave Politike – POP”, synon të rrisë debatin publik dhe informacionin te qytetarët si dhe orientimin e platformave drejt nevojave dhe prioriteteve të tyre. Përmes aktiviteteve projekti synon të forcojë demokracinë shqiptare, duke nxitur transparencën dhe llogaridhënien. Përballja e Ofertave Politike - POP, është një nismë e rrjetit të organizatave të shoqërisë civile shqiptare mbështetur nga Olof Palme International Centre në kuadër të një programi të financuar nga Suedia: “Shoqëria Civile, Pjesëmarrja Qytetare, Llogaridhënia dhe Ndryshimi Social” dhe National Endowment for Democracy.

**Anëtarët e Rrjetit POP janë organizatat si më poshtë:**

- Qendra “Aleanca Gjinore per Zhvillim”, Tiranë;
- Qendra "Për Zhvillimin e Shoqërisë Civile", Durrës;
- "Qendra Rinore" Vlorë;
- "Shoqata për Integrimin e Zonave Informale", Kamëz;
- Qendra "Epoka e Re", Fier;
- "Intelektualët e Rinj Shpresë", Shkodër;
- "Lëvizja Rinore për Demokraci", Pukë;
- "Qendra Rinore për Progres", Kukës;
- "Rinia për Integrim, Aktivizim dhe Sensibilizim", Progradec;
- "Hapa të Lehtë", Vau i Dejës;
- "Tjetër Vizion", Elbasan;
- "Gruaja në Zhvillim", Korçë.

*Ky Raport është Përgatitur nga Shoqata Tjetër Vizion në kuadër të projektit POP 2021 “Kontrata Sociale, mjet për të forcuar marrëdhëniet mes qytetareve dhe pushtetarëve” dhe nuk përfaqëson qëndrimin e Olof Palme International Center dhe National Endowment for Democracy. Gjetjet dhe qëndrimet në raport janë përgjegjësi vetëm e autorëve.*

## Tabela Përmbledhëse

Shkurtime	3
Falenderime	4
Hyrje	5
Metodologjia	6
Analiza e gjetjeve për secilin Prioritet sipas Kontratës Sociale	7

## Shkurtime

NE	Ndihmë Ekonomike
NJA	Njësi Administrative
URB	Zonat Urbane
RUR	Zonat Rurale
GADC	Qendra “Aleanca Gjinore për Zhvillimi”
OJF	Organizata Jo Fitimprurëse
KB	Këshilli Bashkiak
VKM	Vendim i Këshillit të Ministrave
PAK	Personat me aftësi të kufizuar
POP	Përballja e Ofertave Politike
MKR	Mekanizmi i Koordinuar i Referimit
MSHMS	Ministria e Shëndetësisë dhe Mbrojtjes Sociale
BTF	Bashki të Forta
COVID - 19	Pandemia e Virusit Korona
AZHRB	Agjencia e Zhvillimit Bujqësor dhe Rural
UKT	Ujësjetllës Kanalizime

## Falenderime

Për të hartuar Raportin paraprak të vitit të parë të monitorimit të Kontratës Sociale, bashkëpunuam me shumë aktorë e institucione. Falenderojmë Bashkinë Elbasan dhe drejtorinë përkatëse, për vënien në dispozicion të informacioneve të kërkuara; Kryetarin e Bashkisë z. Gledian Llatja, nënkryetarin e bashkisë z. Ervin Muço për disponibilitetin e tyre në komunikimet e vazhdueshme përgjatë vitit të parë të monitorimit të Kontratës Sociale të Elbasanit.

Falenderojmë në mënyrë të veçantë qytetarët që pranuan t'i përgjigjeshin pyetjeve tona, anëtarët e rrjetit Përballja e Ofertave Politike (POP) si edhe një falenderim për stafin dhe vullnetarët e Tjetër Vizion të cilët që prej momentit të nënshkrimit të Kontratës Sociale kanë qenë në monitorim të vazhdueshëm të punës së Bashkisë dhe vendimeve të Këshillit Bashkiak.

Gjithashtu, dëshirojmë të falenderojmë **Olof Palme International Center** dhe **NED – National Endowment for Democracy** për ndihmën teknike e financiare, pa të cilët do të ishte e pamundur të hartohesh ky raport dhe të realizoheshin aktivitete të ndryshme nga Rrjeti POP.

## Hyrje

Gjatë vitit 2020, Rrjeti POP monitoroi zbatimin e kontratave sociale në 9 Bashki. Këto kontrata u hartuan bazuar në përparësitë e komunitetit në periudhën parazgjedhore 2019, dhe u nënshkruan nga kandidatët për kryetarë. Gjatë vitit të parë të mandatit në të gjitha bashkitë, u adresuan plotësisht 17% e prioriteteve, pjesërisht 58% e tyre dhe 25% e prioriteteve nuk janë adresuar akoma. Në këto kohë të vështira ku pandemia COVID-19 ka luajtur një rol të rëndësishëm është e nevojshme të përfshihen më shumë aktorë sesa vetëm qeveria dhe qytetarët. Këta aktorë mund të jenë përfaqësues të biznesit, shoqërisë civile, sindikatave, etj. Prandaj, ky ishte edhe një nga qëllimet e POP gjatë vitit 2021 për përfshirjen e më shumë aktorëve në diskutime dhe vendimmarrje. Për më tepër, një qëllim tjetër i POP është që, përmes bashkëpunimit secila Bashki apo Kryetar i Bashkisë të përmbushë përparësitë e Kontratës Sociale brenda vitit 2023.

### **Shoqata Tjetër Vizion u bë pjesë e Rrjetit POP në vitin 2021 duke filluar aktivitetet e saj në muajin maj 2021.**

Forumi për deklarimin dhe nënshkrimin e Kontratës Sociale<sup>1</sup> Elbasan u organizua në datë 30 korrik 2021<sup>2</sup> dhe u finalizua me firmosjen e saj nga Kryetari i Bashkisë, z. Gledian Llatja, i cili mori përsipër që prioritetet kryesore të pasqyruara në këtë kontratë dhe të dala nga komuniteti i Elbasanit do të jenë përparësi edhe e punës së tij gjatë mandatit deri në vitin 2023 kur do të zhvillohen zgjedhjet e ardhshme lokale.

Gjatë vitit 2021, projekti i POP vazhdon me “Kontrata Sociale si një mjet për të forcuar marrëdhëniet mes qytetareve dhe pushtetarëve”, duke vijuar monitorimin dhe bashkëpunimin mes aktorëve kryesorë për përmbushjen e prioriteteve të qytetarëve.

Ky raport vlerëson progresin e bërë në realizimin e prioriteteve të Kontratës Sociale për periudhën gusht – dhjetor 2021.

### **Gjatë kësaj periudhe organizata kishte si qëllim:**

- Të monitorojë Këshillin Bashkiak dhe veprimtarinë e Bashkisë për marrjen dhe zbatimin e masave në kuadër të adresimit të prioriteteve të Kontratës Sociale;
- Të raportojë gjetjet dhe rekomandimet;
- Të llobojë dhe advokojë për përmbushjen e prioriteteve të qytetarëve, sidomos në kuadër të dimensionit social, transparencës dhe llogaridhënies.
- Angazhimin e grupeve qytetare në fushata advokimi dhe lobimi për përmbushjen e prioriteteve të Kontratës Sociale.

<sup>1</sup> <https://popneteork.al/elbasan-kontrata-sociale/>

<sup>2</sup> <https://ëëë.facebook.com/groups/34486593888020/posts/6046021025439121/>

## Metodologjia

Për të realizuar raportin, Tjetër Vizion, anëtare e rrjetit POP u bazua në hapat e mëposhtëm:

- U monitorua puna e Bashkia Elbasan dhe vendimet e Këshillit Bashkiak për periudhën **gusht – dhjetor 2021**;
- U kontaktua me nënkryetarin e bashkisë në lidhje me organizimin e një forumi publik për raportimin e plotësimit dhe procesit të zbatimit të kontratës sociale.
- **Në datën 20 shtator është organizuar Forumi Publik** për prezantimin e Kontratës Sociale. Forumi u organizua nga Shoqata Tjetër Vizion me pjesëmarrjen e qytetarëve nga NJA Papër, Funar, Shirgjan, Shushicë si dhe Njësive Administrative të Elbasanit dhe perfaqësues nga Këshilli Rinor i qytetit. U monitorua në vazhdim puna e Këshillit Bashkiak Elbasan, mbledhjet e organizuara gjatë pandemisë si edhe mbledhjet në vend.
- U monitoruan takimet e ndryshme të përfaqësuesve të Bashkisë përmes TV dhe medias sociale.
- U monitoruan vendimet e Këshillit Bashkiak mbi masat e marra nga vetë Bashkia, në lidhje me komunitetin në përgjithësi dhe me disa target-grupe në veçanti, si dhe veprimtaria e anëtarëve të Këshillit Bashkiak.
- U monitorua Rrjeti social i bashkisë Elbasan si dhe ai kryetarit të bashkisë mbi publikimin e cdo informacioni apo neës për plotësimin e disa prej prioriteteve të kontratës sociale.
- U analizua dhe monitorua buxheti i bashkisë për vitin 2021 – 2022 si dhe shpenzimet respektive bazuar në open-data;
- U monitoruan dhe analizuan vendimet e KB që kanë lidhje me prioritetet e Kontratës Sociale bazuar në punën e rrjetit POP apo edhe nga faktorë të tjerë të jashtëm, të tipit: parashikime të mëhershme në buxhet, plane afatshkurtra apo/dhe afatgjata, puna e organizatave të tjera të cilat mund të kenë ndikuar në përmbushje (organizata qeveritare, organizata ndërkombëtare me projekte apo edhe kombëtare).
- Analizimi i monitorimit të mediave audiovizive dhe on line, në lidhje me sa më sipër sipas fushave specifike.

Gjatë periudhës së Tetor – Nëntor, 2021 janë realizuar disa takime monitoruese në zonat e përcaktuara në prioritete respektivisht:

- a) Vizitë montorimi në Shushicë në dt 5 Tetor
- b) Vizitë montorimi nëPapër në dt 8 Tetor
- c) Vizitë moitorimi në dt 14 tetor në Shelcan
- d) Takim me nënkryetarin e bashkisë në dt 25 Tetor për të diskutuar përmbushjen e prioriteteve dhe fazën në të cilat janë këto realizime.
- e) Vizitë monitorimi në dt 29 Tetor në Shelcan.

- f) Monitorimi i mediave sociale/ faqeve të Bashkisë dhe FB si dhe vendimeve të Këshillit Bashkiak dhe faqes së kryetarit të Bashkisë.
- g) Pjesmarrja e stafit të Tjetër Vizionit në panairin e organizuar nga ambasada Suedeze **“Sweedon on Tour”** në dt 1 nëntor dhe prezantimi i kontrates sociale për publikun e gjerë.
- h) Prezencë në inagurimin e rrugës së asfaltuar të Shelcanit.
- i) Pjesmarrje në konferencën e organizuar nga Rrjeti POP në Vlorë me temë **“Nxitja e Integritetit në Nivel Lokal në Shqipëri”** në dt 6 Dhjetor

## Analiza e gjetjeve për secilin Prioritet sipas Kontratës Sociale

### Gjetjet nga monitorimi dhe informacioni i Bashkisë Elbasan

**Prioritet 1: Hartimi i nje projekti dhe më pas financimi për rehabilitimin e rrugës kryesore që lidh bashkinë me njësitë administrative dhe vijimi i investimeve që përmirësojnë infrastrukturën dhe rrugët dytësore, për secilën njësi.**

- **NJA Funar**–Projektimi i rrugës kryesore që lidh njësinë me Bashkinë Elbasan – Nga raportimi dhe monitorimi në terren rezulton se nuk është realizuar ende, por Bashkia në partneritet me OSSH ka vijuar me ndriçimin e qendrës së fshatit dhe do vijojë me punimet e kanalizimeve dhe më pas me rikonstruksionin e rrugëve.
- **NJA Funar** - Rikonstruktimi i urës së fshatit – Reulton që ndërhyrja nuk është realizuar akoma.
- **NJA Shushicë** - Rikonstruktimi i rrugës së Shelcanit - në datë 30 tetor ka përfunduar asfaltimi i rrugës , i cili më pas ka vijuar me vijëzimin dhe vendosjen e sinjalistikës rrugore. Nga monitorimi i zonës, respektivisht në NJ.A të Shushicës u konstatua ndërtimi i shkollës 9- vjeçare të Mlizës; u ndërtua ura e Polisit si dhe u ngrit Qendra Komunitare Multifunkionale e Shushicës. Këto ishin prioritete të ngritura nga komuniteti i zonës në proceset e mëparshme të buxhetimit me pjesmarrje.
- **NJA 1 Elbasan** - Pajisja me ndriçim në rrugën kryesore. Përsa i përket informacionit të kërkuar për NJA 1, deklarohet nga bashkia Elbasan se kjo njësi vazhdon të jetë me ndriçim ekzistues (për vetë faktin se është edhe ndër rrugët kryesore të qytetit). Gjatë vitit 2021 nuk është bërë investim i ri në këtë rrugë pasi ndriçimi në këtë rrugë ka qenë që më parë por është vijuar me mirëmbajtjen (puna rutinë e sektorit, riparime , ndërrime ndriçuesish) etj.
- **NJA 1 Elbasan** - Rehabilitimi i rrugës së ish konservimit. Për këtë rrugë është raportuar nga nën/kryetari i Bashkisë se është bërë studimi dhe planimetria dhe më pas do të fillohet me rehabilitimin e saj gjatë vitit 2022.



- **NJA 1** - Rikonstruktimi i rrugës së varrezave në lagjen Emin Matraxhiu.

Nga monitorimi në vend por edhe nga deklarimi i bashkisë Elbasan rezulton se kjo rrugë ka përfunduar fazën e parë të punimeve , e cila do të vijojë më pas me fazën e 2-të të saj gjatë vitit 2022.

## **Prioritet 2. Adresimi me prioritet i furnizimit me ujë dhe problemeve me kanalizimet për secilën prej njërive vijuese.**

**Në lagjen 28 Nëntori** – Komuniteti i zonës ka deklaruar se ka pallate që kanë 2 ore ujë të pijshëm në dite, kërkohet zgjerimi i fashës së orarit.

Nga komunikimi me specialiste të drejtorisë së UK Ebasan në lagjen 28 Nentori furnizimi me ujë është me orare si në të gjithë qytetin. Përfshirja e të gjithë pallateve të vjetra në një projekt për pajisjen me kollona jasht në ambjentet e përbashkëta të pajisur me matës dhe me kaseta për çdo klient do të bëjë të mundur rritjen e fashës orare të furnizimit me ujë. Pallatet që do i nënshtrohen këtij projekti janë 4,5,6,9,108,108/G, 108/F, 420, 421,434/1, 421/1,109, 427, 120/6,120/5, 120/4,120/7, 430, 422 /a,b, 108/9 etj. Ky projekt është në fazën e zbatimit të punimeve.

Bashkë me këtë projekt po zbatohet edhe projekti i linjave të reja në lagjen e NSHU dhe ndërtimi i depos e stacionit të ri të pompimit. Zgjerimi i fashës orare të furnizimit me ujë do të jetë në kuadër të gjithë qytetit dhe objektivi është 24 orë/24.

- **NJA Funar** – Rikonstruksioni i shpërndarjes së ujit të pishëm.

Njësia Administrative Funar mbulohet me shërbim nga UK Elbasan. Në Branesh është investuar në rrjetin kryesor nga depo e ujit, është investuar me rrjet shpërndarës dhe instalime kolektorësh dhe matësash uji. Është përmiresuar furnizim me ujë si në lidhje me cilësinë, sasinë dhe orarin e furnizimit.

- **NJA Shirgjan**–Komuniteti ka deklaruar se ka ditë që mungon uji për vaditje, sigurimi në mënyre të vazhdueshme i ujit për vaditje.

Në lidhje me ujitjen dhe problematikat me mungesën e ujit në Njësine Administrative Shirgjan informohet se kjo problematik vjen si pasojë e Teçeve të Librazhdit të cilët bejne hapjen dhe mbylljen e ujit dhe kjo sjell oshilacion të prurjeve për ujitje. Ky fakt mbetet ende një problematik prezente , e cila do të jetë prioritet dhe vëmendjen e sektorit të Ujitje për vitin 2022.

## **Prioritet 3. Përmirësimi i cilësisë së pastrimit sipas njërive.**

- **NJA Papër** - Mungojnë koshat për grumbullimin e plehrave, vendosja e koshave

të plehrave dhe heqja e tyre në mënyrë periodike

Përsa i përket cilësisë së pastrimit për njësinë Administrative Papër deklarohet nga përfaqësuesit e Bashkisë se me ardhjen e kontenierëve të rinj si dhe me ardhjen e makinave të reja të pastrimit do të bëjnë të mundur shtimin e vend grumbullimeve dhe pastrimin e tyre në një interval kohor me të shpeshtë, por që situata vijon të jetë e njëjta si më parë.

Në Njësinë Administrative Funar aktualisht nuk ofrohet shërbimi i pastrimit për shkak të pamundësisë së mjeteve për pastrim, por bashkia parashikon për periudhën e më vonshme me ardhjen e makinave të reja dhe kontenierëve të rinj, pastrimin kundrejt pagesës së taksës së pastrimit.

- **NjA Funar** - Mungojnë koshat e plehrave, kërkohet vendosja e koshave të plehrave dhe heqja e tyre në mënyrë periodike
- **NjA 1** - Kosha plehrash ka por janë larg vendeve të banimit, të bëhet heqja e plehrave në mënyrë periodike.

**Sqarojmë:** Drejtoria e shërbimeve publike sqaron se vendosja e kontenierëve të mbetjeve urbane është bërë si pas studimit dhe projektimit nga Bashkia Elbasan, dhe për heqjen e plehrave në mënyrë periodike do të merren masat e duhura.

- **NjA 1** - Të zgjidhet problemi i pastrimit ditët e festave, pasi punëtorët nuk pastrojnë dhe rritet ndotja.

Drejtoria e shërbimeve publike sqaron se ky problem do të zgjidhet dhe gjatë ditëve të festave do të merren masat e duhura.

Aktualisht Bashkia Elbasan po kalon një vështirësi në grumbullimin e mbetjeve urbane, pasi kompania e kontraktuar është tërhequr dhe ajo po bën heqjen e grumbullimeve me mjetet dhe fuqinë punëtore të saj. Ky fakt ka krijuar vështirësi dhe problematikë në të gjithë Bashkinë pasi mbetjet hiqen pas 5 ose 6 ditësh nga një njësi administrative tek tjetra. Bashkia ka premtuar se ky problem po zgjidhet me kontraktimin e kompanisë së re në fund të muajit dhjetor. Me nënshkrimin e kontratës me kompaninë e re do të zëvendësohen edhe koshta e vjetër me të rinj.

**Prioritet 4. Ngritja e shkollave të reja, në veçanti në qytet ku numri i nxënësve në klasë është shumë i lartë.**

**NjA1** - Rikonstruktimi i shkollës “Naim Frasheri” nuk është realizuar akoma.

**Prioritet 5. Vendosja e autobusëve në linjat e njësive administrative Papër, Funar, Shushicë. Publikimi në stacion i orareve të mbërritjes dhe nisjes së autobusëve**

Ky prioritet nuk është marrë parasysh pasi Transporti sipas Bashkisë realizohet me autobusë

private, përveç Nj. Administrative Shushicë e cila mbulohet nga urtësi i qytetit.

Nga monitorimi që i kemi bërë faqes zyrtare web të Bashkisë Elbasan, faqes zyrtare të Facebook të Bashkisë, faqes personale të Kryetarit si në facebook ashtu dhe në instagram, vërejmë se në një pjesë të mirë të publikimeve janë pasqyruar ndërhyrjet në ato zona, të cilat kanë qenë target i prioritetëve.

### Vlerësim më i thelluar:

Ajo që mund të prezantojmë në këtë fazë të projektit është se Bashkia ka treguar seriozitet dhe angazhim në përmbushjen e prioritetëve dhe ky fakt reflektohet në përmbushjen e 40 % të prioritetëve të hartuara në kontratën sociale.

Me nxitjen e herëpashershme nga organizata TVO por edhe angazhimin e Bashkisë ndaj komunitetit ka një transparencë të shtuar në bërjen publike të çdo iniciative të ndërmarë dhe kjo reflektohet në publikimet që bëhen në rrjetet sociale të Bashkisë.

Gjithashtu TVO NGO duke qenë pjesë e procesit të buxhetimit me pjesëmarrje për buxhetin e V. 2022 ka monitoruar takimet që janë zhvilluar në zonat prioritare të kontratës sociale. Është observuar një rritje e përfaqësimit të komunitetit në takime si dhe është kërkuar llogaridhënia nga komuniteti për çdo premtim të dhënë nga Bashkia Elbasan.

Përmbushja e prioritetëve të kontratës sociale të bashkisë Elbasan do të jetë në fokusin e PBA 2022-2024 e cila është e mbështetur në disa shtyllat kryesore në të cilat është mbështetur hartimi i tavanëve të Programit Buxhetor Afatmesëm 2022-2024, janë :

- Zhvillimi ekonomik i qytetit dhe nxitja e punësimit;
- Garantimi i pastërtisë së qytetit dhe i cilësisë së ajrit;
- Ofrimin e shërbimeve cilësore;
- Përmirësimin e infrastrukturës arsimore;
- Përmirësimin e infrastrukturës rrugore;
- Nxitjen dhe mbështetjen e aktiviteteve sportive, të cilat ndikojnë në shëndetin e popullatës;
- Gjallërimi i jetës kulturore dhe artistike, nëpërmjet mbështetjes së projekteve;
- Mbështetja e trashëgimisë kulturore dhe e turizmit.

POP

PERBALLJA  
OFERTAVE  
POLITIKE

## PËRBALLJA E OFERTAVE POLITIKE PRIORITETET E KOMUNITETIT BASHKIA ELBASAN KORRIK 2021

Përballja e Ofertave Politike - POP, është një nismë e rrjetit të 12 organizatave të shoqërisë civile shqiptare

### Prioritet 1: ●

Ndërtimi i rrugës kryesore që lidh Bashkinë me Njësitë administrative dhe vijimi i investimeve që përmirësojnë infrastrukturën dhe rrugët dytësore, për secilën Njësi.

- *Njësia Administrative Funar* - Rruga kryesore që lidh Njësinë me Bashkinë Elbasan
- *Njësia Administrative Funar* - Rikonstruktimi i urës së fshatit
- *Njësia Administrative Shushicë* - Rikonstruktimi i rrugës së Shelcanit
- *Njësia Administrative 1* - Pajisja me ndriçim në rrugën kryesore
- *Njësia Administrative 1* - Rikonstruksioni i rrugës së ish konservimit dhe lidhja e saj me unazën

### Prioritet 2: ●

Adresimi me prioritet i furnizimit me ujë dhe problemeve me kanalizimet për secilën prej njësive vijuese.

- *Njësia Administrative Shirgjan* - Ka zona ku furnizimi me ujë të pijshëm mungon, zgjidhja e këtij problemi
- *Njësia Administrative Paper* - Mungon furnizimi me ujë në fshatin Lugës dhe Murras
- *Në lagjen "28 Nëntori"* - ka pallate që nuk kanë ujë të pijshëm
- *Njësia Administrative Funar* - Rikonstruksioni i shpërndarjes së ujit të pijshëm
- *Njësia Administrative Shirgjan* - Mungon uji për vaditje

### Prioritet 3: ●

Përmirësimi i cilësisë së pastrimit sipas Njësive.

- *Njësia Administrative Papër* - Mungojnë koshat për grumbullimin e plehrave
- *Njësia Administrative Funar* - Mungojnë koshat e plehrave
- *Njësia Administrative 1* - Kosha plehrash ka por janë larg vendeve të banimit
- *Njësia Administrative 1* - Të zgjidhet problemi i pastrimit në ditët e festave, pasi punëtorët nuk pastrojnë dhe rritet ndotja

### Prioritet 4: ●

Ngritja e shkollave të reja, në veçanti në qytet ku numri i nxënësve në klasë është shumë i lartë.

- *Njësia Administrative 1* - Rikonstruktimi i shkollës "Abdyl Paralloi"

### Prioritet 5: ●

Vendosja e autobuzëve në linjat e Njësive Administrative Papër, Funar, Shushicë. Publikimi në stacion i orareve të mbërritjes dhe nisjes së autobuzëve.



Tjetër Vizion

Kryetar i Bashkisë  
Elbasan

Arian ÇALA

Gledian LLATJA